

**SAMOA**

**TEUTEUGA O LE TULAFONO FAATONUTONU  
O TAAVALE FEOAI I ALA TETELE 2009**

Faatulagaina o Aiaiga

**VAEGA I  
FAATOMUAGA**

1. Igoa ma le Amataga
2. Faamatalaina o uiga o upu

**VAEGA II  
TEUTEUGA  
I LE TULAFONO  
FAATONUTONU O  
TAAVALE FEOAI I  
ALA TETELE 1961**

3. Faaofiina o le tulafono  
faatonutonu fou

**VAEGA III  
TEUTEUGA  
I LE TULAFONO  
FAATONUTONU O LE  
PULEGA O FELAUAIGA  
I LE LAUELEELE  
(TOTOGIFUAPAUINA O  
LAISENE MA ISI TAU  
FAAEE ATU) 2008**

4. Faamatalaga

---

**E TUSA AI** o le Tulafono o Taavale Feoai i Ala Tetele 1960, le Tulafono o Suiga Tau Felauaiga i Luga o Auala 2008 ma le fuaiupu 27 ma le 36 o le Tulafono o Pulega o Felauaiga i le Laueleele 2007, **O AU, TUI ATUA TUPUA TAMASESE EFI**, o Le Ao o le Malo, i le faia i luga o le fautuaga a le Kapeneta, **UA OU FAIA** ai Tulafono Faatonutonu nei:-

**FAIA** i lenei aso 3 o Setema 2009.

sainia: (Tui Atua Tupua Tamasese Efi)  
**O LE AO O LE MALO**

## **TULAFONO FAATONUTONU**

### **VAEGA I FAATOMUAGA**

**1. Igoa puupuu ma le amataga-**(1) E mafai ona taua nei Tulafono Faatonutonu o Teuteuga o le Tulafono Faatonutonu o Taavale Feoai i Ala Tetele 2009.

(2) O nei Tulafono Faatonutonu e amata faamamaluina i le 6.00 i le taeao o le aso 7 Setema 2009.

**2. Faamatalaina o uiga o upu** - I totonu o nei tulafono faatonutonu, ae vagana ai ua manaomia e le mataupu se isi uiga e ese ai -

“taavale laupasese mo tagata lautele” o lona uiga o se taavale afi ua faaaogāina:

(a) mo le felauaiga o tagata lautele e avea ma pasese mo le totogi faalisi po o tau; ma

(b) e lē aofia ai -

(i) se pasi ua faamauina o se taavale a tagata taitoatasi ma ua faaaogāina mo le felauaiga o pasese mo totogi faalisi; po o

(ii) se taavale laitiiti laupasese.

**VAEGA II**  
**TEUTEUGA I LE TULAFONO FAATONUTONU**  
**O TAAVALE FEOAI I ALA TETELE 1961**

**3. Faaofiina o le tulafono faatonutonu fou** – Ua teuteuina Tulafono Faatonutonu o Taavale Feoai i Ala Tetele 1961 i le faaofiina i le tuanai ai o le tulafono faatonutonu 86 o le aiaiga e faapea:

“**86A. Faasalaga faapitoa** - So o se tagata e ona se taavale laupasese mo tagata lautele ua ia solia po o ua lē mafai ona tausisia le tulafono faatonutonu 86, ua ia faia se solitulafono ma i luga o se moliaga ua faamaonia faaetulafono e tatau ona noatia le tuuina atu i ai o se laisene faaletausaga o taavale po o le faalēaogāina o se laisene faaletausaga o taavale, po o faasalaga uma e lua.”.

**VAEGA III**  
**TEUTEUGA I LE TULAFONO FAATONUTONU**  
**O LE PULEGA O FELAUAIIGA I LE LAUELEELE**  
**(TOTOGIFUAPAUINA O LAISENE MA ISI TAU**  
**FAAEE ATU) 2008**

**4. Faamatalaga** - Ua suia le Meataitasi 1(c) o le Faamatalaga i le Tulafono Faatonutonu o le Pulega o Felauaiga i le Laueleele (Totogifuapauina o Laisene ma Isi Tau Faaee atu) 2008 e faapea:

“(c) Taavale laupasese mo tagata lautele e ese ai na i lo taavale laiti laupasese:

Ae vagana ai mo le vaitaimi i le va o le aso 7 Setema 2009 i le aso 8 Mati 2010, o le a tatau ona tutusa le totogifuapauina e faapei ona totogiina i lalo o meataitasi (1)(a) ma le (b) faaopopo i ai pasese taitasi ua laiseneina ai le taavale na te aveina - \$6.00

O le totogifuapauina mo le vaitaimi i le va o le aso 7  
Setema 2009 i le aso 8 Mati 2010 - LEAI”.

---

**Tuaina atu i lalo o le pule faataga a le Tulafono o Tulafono  
Faatonutonu 1953.**

**Aso e amata faamamaluina ai: 7 Setema 2009**

**Faasilasilaga:**

**O nei Tulafono Faatonutonu o lo o faafoeina e le Matagaluega o  
Galuega, Felauaiga ma Atinae Eseese.**

**O ata o nei Tulafono Faatonutonu o lo o mafai ona faatauina atu,  
mai le Ofisa o le Failautusi o le Fono Aoaofaitulafono.**

**Lolomiina e le Failautusi o le Fono Aoaofaitulafono,  
i le pule a le Fono Aoaofaitulafono.**